

Gvangjsih Minzcuz Bau

Guenjbanh: Gvangsijh Bouxcuengh Swcigih Minzcuz Cunghgyau Swvu Veijyenzei Okbanj: Gvangsijh Minzcuz Bause Geiz neix 8 banj
广西民族报 Aenhauhokbanj: CN45-0036 B.2022 Nd.5 Ng.11 Liggaueq nvaemzvinz nienz ndwenseiq cib'it Geizsoq: Gungh daih 3523 geiz

Vangz Sinhfu Daengz Swcigih Minzcungh- veij Diuyenz Hong Minzcuz Cunghgyau 王心富到自治区民宗委调研民族宗教工作

5 nyied 6 hauh banhaet, Swcigih Dangveij Cangzveij、Dungjancu buancang Vangz Sinhfu daengz Swcigih Minzcunghveij guh diuyenz hong hwnqguh aen gih yienghndei cukmaenh gij eiqsik caezcaemh Cunghvaz Minzcuz、guh ndei hong minzcuz cunghgyau seizdaih moq. Swcigih Dangveij Dungjancu buancang fubucangj、Swcigih Gyauzban cujyin Linz Vaizyungj buenx diuyenz.

Vangz Sinhfu daengz dieg cazyawj le aen dingh langhbaij saw vah caeuq sawgaeuq siujsoq minzcuz Gvangjsih, yawj le gij langhbaij cingzcek hong minzcuz, ciengzsaeg roxyiuj doigvangq cienzdoh saw vah guekgya doeng' yungh、gohyozy baujhoh saw vah gak minzcuz、soucomz cingjleix sawgaeuq minzcuz、baujhoh

coih caeuq hwnqguh soqcihvaq、cingzcek hong minzcuz daengx gih daengj cingzgvang.

Riengzlaeng hai aen hoih naenghdamz, Vangz Sinhfu dingq le gij bauqlwnh cingzgvang hong minzcuz cunghgyau gih raeuz, lij dingq le gij yigen genyi lauxhangz dieg yenzgiu minzcuz lijlan daengx gih, baugvat: Mizgven Gvangjsih hwnqguh aen gih yienghndei cukmaenh gij eiqsik caezcaemh Cunghvaz Minzcuz、hawj minzcuz vwnzva lijyouz hwnghat cangqheiq、gij cingzcek yenzgiu lijlan aen gyaranz cingzaenz caezcaemh gak minzcuz.

Vangz Sinhfu haengdingh hong Swcigih Minzcunghveij dangqmaz, caemhcaiq daezok "caezcaemh" "dazyinx" "ancienz" sam aen swz

youqgaenj. De naeuz, "caezcaemh" dwg aen swz vaedsim、aen swz youqgaenj caeuq aen swz yungh lai guh ndei hong minzcuz cunghgyau, hong minzcuz cunghgyau daengx gih aeu demgiengz gij caezcaemh、gij doxca aeueiq caeuq bauyungz lai roengzrengz, caezcaemh doxgiat baenaj, caezcaemh hwnghat mwnhoengh. Seizneix sevei swhsiengj vwnzva miz gij byaijyengq lai yiengh、lai bienq, hong minzcuz cunghgyau "dazyinx" aeu lai roengzrengz, laebdaeb dazyinx vunz lai gak cuz laebmaenh guekgya eiqsik、gunghminz eiqsik、fapceih eiqsik, cingqdeng bae roxnyinh guekgya、roxnyinh lizsij、roxnyinh minzcuz、roxnyinh vwnzva、roxnyinh cunghgyau, gietcomz doxrox, yungh gij sing' yaem daeuz yinxlingx

gij sing' yaem lai yiengh, dingjmaenh mbouj soeng doidoengh gak minzcuz caezcaemh byaij coh sevei cujyi yendaiva. Doidoengh hong minzcuz cunghgyau seizdaih moq hwnghat youh ndei youh vaiq, "ancienz" aeu lai roengzrengz. Binghraaq aeu fuengzmaenh、ginghcei aeu onjmaenh、hwnghat aeu ancienz. Aeu guh ndei aen diji yawhgingj gamcaek caeuq yawh' anq cawqceq wngqgip nangqdaengz minzcuz cunghgyau yinhso yizcingz caeuq saeh fwt fat, mboujduenh daezsang rengz wngqgip, yungh cingzcek maenhndei ciepcoux Ngeihcib Daih Dangj hai ndaej baenz.

(Vangz Ginhhaij Lij Yen
Liengz Cingz Vangz Yinz)



Ginhshiu: Ywyauz Bang Vunzguhnaz Demsou

金秀: 瑶医药产业助农增收

5 nyied 7 hauh, mehmbwk Yauzcuz youq Ginhshiu Yauzcuz Swciyen Cangzdung Yangh Bingzdau Cunh aen giyez guh Ywyauz ndeu gyagoeng bau Ywyauz cimqndang. Geij bi neix doxdaeuj, aen yienh neix laebdin giindei canjniel Ywyauz miz daegsaek, doenggvag gij vunqsik "giyez + hozcozse + dieggoek + nungzhu", gyalai rengz cauhamoq caeuq haifat Ywyauz, mboujduenh ietraez diuzlien canjniel, dajcauh canjniel gyonjcomz Ywyauz, daengx yienh daih' iek miz 1.2 fanh ranz ndaem、gyagoeng、yenzfaz、gai Ywyauz, daiqdoengh vunzguhnaz couhnieb laebdaeb demsou rengzrwd, bangdoi lajmbanj saenqhwng.

(Gauh Yuzginh)

Aen Fueng' anq Swcigih Caengzmienh Dungjcouz Doicaenh Hanghmoeg Hung Buek Daihngaih Bi 2022 Okdaiz 2022 年第二批自治区层面统筹推进重大项目方案出炉

Mboengqneix, 《Aen Fueng' anq Swcigih Caengzmienh Dungjcouz Doicaenh Hanghmoeg Hung Buek Daihngaih Bi 2022》(bailhaj genjdanh heuh 《Fueng' anq》) yaenqfat, 315 aen hanghmoeg hung liedhaeuj ndawde, gungh buedcienz 5741.7 ik maenz, bi dajveh buedcienz 230.4 ik maenz. Ndawde, Nanzningz Si 46 aen hanghmoeg ndaej haeuj 《Fueng' anq》, baugvat dajciengx doihduz、gaicawx、

nwnqzyenz moq、veiswngh saehnieb daengj, gungh buedcienz 746.3 ik maenz.

Bineix, Nanzningz Si hanghmoeg haihong moq 12 aen, ndawde, veiswngh saehnieb hanghmoeg fuengmienh siminz haeujrwz haenx, Nanzningz Si Gyanghnanz Gih Fuyou Baujgenyen hanghmoeg, ciemq najdieg 26815.20 bingzfanghmij bae-dauq, laeb diegninz 188 aen, dajveh

youq bi 2024 ndaej yungh; Nanzningz Si Liengzging Gih Fuyou Baujgen Yihyen hanghmoeg, ciemq najdieg 35300 bingzfanghmij, laeb diegninz 300 aen, miz mwnzcinjbu、cuyenbu daengj, dajveh youq bi 2023 ndaej yungh; Nanzningz Si Liengzging Gih Cunghyih Yihyen hanghmoeg, ciemq najdieg 23200 bingzfanghmij, laeb diegninz 250 aen, dajveh bi 2023 ndaej yungh.

Linghvaih, Aen Cungsim Comz Huq Daegsaek Cungguek—Dunghmungz (geiz nduj) gviveh hwnqguh Cungguek Guenj、Dunghmungz cib aen guekgya cawjdaezguenj、soqcih mouyi cunghabguenj daengj doengh gij guenj langhbaij, dajveh youq bi 2022 ndwen 9 mboengq guh Gaiq Daih 19 Dunghbozvei cingqsik yungh.

(Luz Yingz)